



# АЛФАВИТ ПОКАЯНИЯ

ИЛИ

ПЕСНИ, ПРИВОДЯЩИЕ ЧЕЛОВЕКА  
К СОЗНАНИЮ СВОЕЙ ГРЕХОВНОСТИ

ДЛЯ ДОМАШНЕГО МОЛИТВОСЛОВИЯ

МОНАХА ГЕРОНТИЯ



**По славу Святой**  
**Единосущной и Животворящей и**  
**Нераздельной Троицы, Отца и Сына**  
**и Святаго Духа, в похвалу святым**  
**угодникам Божиим, при патриархе**  
**Московском и Всея Руси Алексии II**  
**в лето от сотворения мира 7511,**  
**от Рождества Христова 2003,**  
**к столетию прославления**  
**ВЕЛИКОГО**  
**САРОВСКОГО СТАРЦА**  
**СЕРАФИМА**  
**напечатана книга сия**  
**«Алфавит покаяния»**



# АЛФАВИТЪ ПОКАЯНІЯ.



Азъ есмь пучина грѣха и блато всякія нечистоты, азъ есмь хранилище всѣхъ злыхъ и безмѣстныхъ дѣяній; увы мнѣ, увы мнѣ. Боже мой, увы мнѣ Творче и Создателю мой, Свѣте и жизни души моя! что возглаголю Ти, удалившій себе отъ лица Твоего?! или что реку Ти, отвергшій себе отъ очію свѣта моего?! преступихъ бо заповѣдь Твою якоже и Адамъ исперва, и ѿколиже принесохъ Ти жертвы покаянія; нынѣ же познавъ паденіе свое, изъ глубины

души моя въ покаяніи зову Ти, милостиве: Помилуй мя, Господи Боже мой, и къ покаянію призови мя падшаго.

В

**Б**огъ мой еси Ты, Творецъ и Создатель мой, хранитель живота моего и заступникъ мой, азъ же есмь созданіе Твое и дѣло рукъ Твоихъ; но увы мнѣ! прародительный грѣхъ царствуетъ во мнѣ и злая воля моя господствуетъ надо мною, и азъ яко рабъ всегда работаю грѣху, и тѣмъ прогнѣвляю Тебе, Владыку и Бога моего; но припадая Твоей благодати, смиренно молю Тя, щедре: Помилуй мя, Творче мой преславный, помилуй мя, Создателю мой предивный. Помилуй мя, Боже мой предвѣчный; помилуй мя, Господи мой пребезсмертный. Помилуй мя, Владыко мой премилостивый; помилуй мя, Ца-

рю мой прекръпкій. Помилуй мя, воззавый мя отъ небытія въ бытіе; помилуй мя, вдохнувый въ тѣло мое духа безсмертія. Помилуй мя, почтый мя Своимъ образомъ и подобіемъ; помилуй мя, вознесый мя превыше всего видимаго. Помилуй мя, давый ми вѣдѣніе познавати и любити Тя; помилуй мя, животворяй мя Своею благодатію. Помилуй мя, Господи Боже мой, и къ покаянію призови мя падшаго.

В

**В**ладыко мой и Господи, како приступлю къ Тебѣ, азъ погруженный грѣхи многими? кѣми очами воззрю на Тя, пресвѣтлаго Творца моего? кое принесу Ти покаяніе? Аще бо восплачуся, оскверню токмо землю слезами моими; аще укорю себе, укорю образъ Твой, сущій во мнѣ; обаче же въ покаяніи очисти мя отъ всякія

скверны, и душу мою уясни свѣтомъ милостиваго лица Твоего, да радостно зову Ти: Аллилуіа.

Г

**Б**лаголы устъ Твоихъ всегда презирахъ, во слѣдъ бо писаній Твоихъ николиже ходихъ, но со тщаіемъ соблюдахъ волю діавола. и въ слѣдъ злыя похоти моея усердно ходихъ; нынѣ же горцѣ познавъ паденіе свое, во тмѣ духовнѣй сый, со слезами ищу Тебе, незаходимаго свѣта моего. въ покаяніи зовущи: Помилуй мя, въ беззаконіи зачатого; помилуй мя, во грѣсѣхъ рожденнаго. Помилуй мя, блудно жизнь свою ижившаго; помилуй мя, мыслящаго всегда злое. Помилуй мя, нерадиваго о спасеніи своемъ; помилуй мя, не тщащагося благоугождати Тебѣ. Помилуй мя, удалившагося отъ Тебе, присносущнаго свѣта моего: помилуй мя.

заблудившагося въ пустыни страстей моихъ. Помилуй мя, отчуждившагося Твоея благодати; помилуй мя, предавшаго душу свою во тму грѣховную. Помилуй мя, преступника закона Твоего; помилуй мя, нарушителя заповѣдей Твоихъ. Помилуй мя, Господи Боже мой, и къ покаянію призови мя падшаго.



**Д**обро и праведно есть, еже не удалитися отъ Тебе, источника свѣта, но тма грѣховная, юже азъ привлекохъ на себе злыми дѣяніи моими, находитъ на мя якоже нощь, и, помрачая душу мою, отводитъ мя отъ Тебе Бога моего; но молю Тя, Создателю мой: блесни молнію и разжени мракъ моихъ страстей, да во свѣтъ Твоемъ узрю свѣтъ, благодарственно поя: Аллилуіа.



Ѣ



Бстество закона прендохъ, окаянный азъ, согрѣшихъ бо грѣхми, ихже нѣсть лѣно и глаголати; но Ты, Боже, яко сердцеѣдецъ и провидяй вся, не объяви моя тайная предъ ангелы Твоими, ниже ввергни мене въ дебрь огненную, но, пощадивъ, прости ми вся злая сія, мною содѣянная, вопіющаго Ти: Помилуй мя, оскверненнаго грѣхми многими; помилуй мя, вселившагося во адъ вмѣсто рая. Помилуй мя, возлюбившаго паче тму, неже свѣтъ; помилуй мя, ввергшагося во огненную пещь страстей. Помилуй мя, оскорбившаго Тя неподобными глаголы; помилуй мя, преслушавшаго Твоя повелѣнія. Помилуй мя, осудившаго ближняго моего; помилуй мя, оклеветавшаго брата моего. Помилуй мя, не воздаващаго Тебѣ обѣтовъ моихъ: помилуй мя, не-



сохранившаго заповѣдей духовнаго отца моего. Помилуй мя, призывавшаго святое имя Твое всеу; помилуй мя, ничтоже благо предъ Тобою сотворшаго. Помилуй мя, Господи Боже мой, и къ покаянію призови мя падшаго.

## Ж



Жизнь сый и источникъ жизни, жизноначальная Троице, нераздѣльное и неслитное Божество, Отче, Сыне и Душе Святый, призри на мя, сотвореннаго по образу и поподобию Твоему, обнови мой разумъ, слово исправи, и духъ мой освяти, да во обновленномъ трехчастномъ моемъ существѣ разумно пою Ти: Аллилуіа.

3

**З**емля есмь азъ. и въ землю отъ-  
иду, отъ неяже взять есмь, яко-  
же Самъ глаголаше еси, Создате-  
лю мой преславный; но прежде неже  
прииде смерть на мя, прежде неже  
вниду во гробъ, взирая на беззакон-  
ную жизнь мою, со слезами зову Ти,  
Творцу моему: Помилуй мя, помра-  
ченнаго страстьми: помилуй мя, за-  
блуждающагося въ путехъ моихъ. По-  
милуй мя, побѣждающагося скупостію;  
помилуй мя, снѣдающагося завистію.  
Помилуй мя, согрѣшившаго Ти объ-  
яденіемъ безъ сытости; помилуй мя,  
прогнѣвавшаго Тя опивствомъ чрез-  
мѣрнымъ. Помилуй мя, ненапитавша-  
го алчущаго; помилуй мя, не напоивша-  
го жаждущаго. Помилуй мя, нелюбят-  
шаго брата моего; помилуй мя, непочтив-  
шаго иногда своихъ родителей. По-  
милуй мя, согрѣшившаго Ти дѣломъ.

словомъ и помышленіемъ; помилуй  
меня, прогнѣвавшего Тя вольными и  
невольными злыми моими дѣяніи. По-  
милуй мя, Господи Боже мой, и къ  
покаянію призови мя падшаго.

И



дѣже Ты хочещи, Всемогуцій  
Боже, побѣждается естества чинъ;  
естество мое выну влечетъ мя  
ко грѣху, и порабощаетъ мя; но Ты,  
яко Создатель естества, угаси грѣхов-  
ныя стремленія его, обновивъ е ро-  
сою благодати Твоея, да невозбранно  
пою Тебѣ: Аллилуіа.

К



то согрѣши когда, якоже согрѣ-  
шихъ азъ окаянный?! коего грѣ-  
ха не сотворихъ! коего беззаконі-  
я не содѣяхъ! коего зла не вообра-

зихъ въ души моей! О лютѣ мнѣ, лю-  
тѣ мнѣ! что буду и гдѣ обрѣщуся азъ?  
Но прежде онаго праведнаго воздая-  
нія Твоего, смиренно молю Тя, мило-  
стивый Боже, якоже отца блудный  
сынъ: Помилуй мя, окаяннаго; поми-  
луй мя, немилосердаго. Помилуй мя,  
жестокаго; помилуй мя, гнѣвливаго.  
Помилуй мя, тщеславнаго; помилуй  
мя, гордаго. Помилуй мя, сквернаго;  
помилуй мя, блуднаго. Помилуй мя,  
коварнаго; помилуй мя, памятозлоб-  
наго. Помилуй мя, окамененнаго серд-  
цемъ; помилуй мя, сожженнаго совѣ-  
стію. Помилуй мя, Господи Боже мой,  
и къ покаянію призови мя падшаго.

И



Въ учи благодати Твоея не скрый  
отъ мене, Творче и Создателю  
мой, но облистай мя ими, про-  
свѣти милостивое лице Твое на мя,

раба Твоего, и научи мя творити волю Твою, да во благихъ дѣлѣхъ моихъ радостно пою Тебѣ, небесному Отцу моему: Аллилуіа.

## М



Мрачная и безлунная ночь грѣховнаго моего житія содѣя во мнѣ многая множества прегрѣшеній, иже отчуждиша мя отъ Тебе, присносущнаго свѣта моего, и приближиша мя ко аду преисподнѣйшему, егоже жженіе и мракъ ужасаетъ мя и нынѣ; райская же жилища Твоя, уготованная праведнымъ, и блаженство въ нихъ живущихъ, наполняютъ душу мою скорби, яко удаленъ есмь отъ сея присносущныя жизни; но доколѣ живу на земли и во плоти сый, не лишенъ есмь свѣтлыя сея надежды, пламенѣя бо къ Тебѣ любовію, отъ сердца зову Ти: Помилуй мя, лѣниваго; помилуй мя, неблагодарнаго. По-

милуй мя, празднословца: помилуй мя, сквернословца. Помилуй мя, смѣхотворца: помилуй мя, сребролюбца. Помилуй мя, клятвопреступника: помилуй мя, пїяницу. Помилуй мя, прекословнаго; помилуй мя, непокорнаго. Помилуй мя, лживаго; помилуй мя, льстиваго. Помилуй мя, Господи Боже мой, и къ покаянію призови мя падшаго.

В



Въ небо очи мои возвожу, и духомъ весь предстою Ти, Отче небесный, но естество бренности влечетъ мя долу, и грѣси мнози влекутъ душу мою въ преисподнюю; Ты же, Творче и Создателю мой, яко всемогущій и милосердый, обнови мя, да воспаряю выну горѣ якоже орелъ, побѣдно взывая Ти пѣснь: Аллилуіа.



ко имамъ всегда лукаво, мерзости и всякія нечистоты преисполнено. Боже мой и Творче, смотряхъ бо выну неподобная, прелестною красотою міра сего восхищахся и вдаяхъ душу мою во всякую нечистоту, на красоту же вещей міра сего, отъ нихъ же бы поучахся познавати и любить Тя, николиже очима моима взирахъ: нынѣ же, егда померкнуша душевныя мои очи, и въ слѣпотѣ духовнѣй сущи, зову Тебѣ, свѣту моему: Помилуй мя, покаянно Тебѣ взывающаго; помилуй мя, сокрушеннымъ сердцемъ къ Тебѣ принадлежащаго. Помилуй мя, вѣрою Тебѣ поклоняющагося; помилуй мя, любовію Тебѣ молящагося. Помилуй мя, приносящаго Ти, яко слезы, глаголы моя; помилуй мя, и не отвержи мене отъ лица Твоего. Помилуй мя, и по-



даждь ми источникъ слезъ, да плачуся дѣлъ моихъ горько; помилуй мя, и изведи душу мою изъ темницы страстей. Помилуй мя, и духъ правъ обнови во утробѣ моей: помилуй мя, и возстави во мнѣ образъ Твой. Помилуй мя, Свѣте мой и просвѣти душевныя мои очи: помилуй мя, и сотвори мя храмомъ Твоего обиталища. Помилуй мя, Господи Боже мой, и къ покаянію призови мя падшаго.

## II



Пламень любви моея къ Тебѣ, Создателю мой, не угасъ еще во мнѣ до конца, но духъ мой вынулъ пламенѣть къ Тебѣ, первообразу моему; слезы умиленія и радости о Тебѣ не исхоша еще во мнѣ до конца, но яко облако дождевное въ засуху, индѣ находятъ на мя и орошаютъ мя; лукавство же гнѣздящееся во

миѣ, и суетность міра сего окружающая мя, поглощаютъ сія; обаче же, аще колиждо найдетъ на мя минута благодати, выну воспѣваю Тебѣ, источнику живота моего: Аллилуіа.

Р

**Р**азумомъ моимъ николиже достойная разумѣхъ, Разуме недоразумѣнный, выну же заблуждахъ въ безпутіихъ жизни моея, и предаяхъ себе въ руцѣ разбойниковъ, иже обнажиша мя одежды нетлѣнія, юже далъ ми еси при крещеніи моемъ, и нынѣ предстою ти нагъ и падшій дружбы Твоея; обаче же дерзая, покайно Тебѣ взываю: Помилуй мя, и исправи путь мой предъ Тобою; помилуй мя, и не вниди въ судъ съ рабомъ Твоимъ. Помилуй мя, и не презри мя обвинявшаго благими дѣ-

мы; помилуй мя, и не воздаждь ми по дѣломъ моимъ въ день судный. Помилуй мя, и очисти мя отъ всякія скверны; помилуй мя, и сохрани мя отъ всякаго дѣйства діаволя. Помилуй мя, и остави ми множество моихъ грѣховъ; помилуй мя, и свободи мя отъ мучительства царствующихъ во мнѣ страстей. Помилуй мя и настави мя на путь покаянія; помилуй мя, и подаждь ми разумъ творити волю Твою. Помилуй мя, и взыщи мя заблуждшее твое овча; помилуй мя, и сопричти мя овцамъ избраннаго Твоего стада. Помилуй мя, Господи Боже мой, и къ покаянію призови мя падшаго.

С



Слово не довлѣетъ ми, пречудный Царю и Господи, подаждь ми слезы покаянія, и по сихъ слезы

умиленія, яко да ими омыю скверну души моея, юже азъ осквернихъ злыми и безмѣстными дѣянїи моими, да въ чистотѣ ея радостно пою Тебѣ Богу моему: Аллилуїа.

Т



ѣло мое питаю пространно, духъ же мой истаеваетъ голодомъ, о Господи мой, Господи! даждь ми разумѣти мое беззаконїе, даждь ми тщанїе утучнѣти духъ мой благими дѣянїи, даждь ми поне отнынѣ положить начало своего спасенїя, зовущему Ти во гладѣ своего духа: Помилуй мя, Мудросте неодоумимая; помилуй мя Божество неописанное. Помилуй мя, Сило непобѣдимая; помилуй мя, Славо превознесенная. Помилуй мя, Красото пресвѣтлая; помилуй мя, Со-

вершенство неизслѣдимое. Помилуй  
меня, Высото недостижимая; помилуй  
меня, Милосте безкопечная. Помилуй меня,  
всемогущій Властителю; помилуй меня,  
небесныхъ чиновъ державный Пове-  
лителю. Помилуй меня трисолнечный и  
трисіянный Свѣте; помилуй меня, Отче,  
Сыне и Душе Святый. Помилуй меня,  
Господи Боже мой, и къ покаянію  
призови меня падшаго.



троба моя распаляется къ Тебѣ  
любовію, Творче неба и земли,  
и духъ мой возносится къ Тебѣ  
въ превыспренняя; но увы мнѣ, увы!  
о окаянства моего и несовершенства!  
вся сія погубляю во единъ часъ, пре-  
ступивъ заповѣди Твоя; обаче, ратуя  
грѣху, пою Тебѣ: Аллилуіа.

X



ищеніемъ и неправдою богатъ  
есмь азъ, коварствомъ и студо-  
дѣяніемъ порабощенъ есмь азъ,  
лжа и лестъ не оскудѣша отъ мене,  
завистію снѣдаюся, и скупостію по-  
бѣждаюся, и всѣмъ беззаконіямъ яко  
рабъ усердно служу; но Ты, милости-  
вый Создателю мой, отжени вся злая  
сія отъ мене, съ любовію и трепетомъ  
въ покаяніи Тебѣ зовущаго: Помилуй  
меня, веселіе мое и радованіе; помилуй  
меня, надежду моя преславная. Поми-  
луй меня, сокровище мое петлѣнное;  
помилуй меня, богатство мое неистоши-  
мое. Помилуй меня, просвѣщеніе ума  
моего и сердца: помилуй меня, здравіе  
души моя и тѣла. Помилуй меня, на-  
ставниче мой предобрый: помилуй меня,  
хранителю мой преблагій. Помилуй  
меня, истинное радованіе плачущихъ;

помилуй мя, прибѣжище наше и упо-  
ваніе. Помилуй мя, изглаждая непо-  
добная наша дѣянiя; помилуй мя, ог-  
ражая насъ святыми Твоими анге-  
лы. Помилуй мя, Господи Боже мой,  
и къ покаянію призови мя пад-  
шаго.

Ц



Шлѣмудріе нарушихъ азъ окаян-  
ный отъ начала дней юности  
моея, и оттолѣ есмь смиренный  
рабъ сего грѣха; кій видъ грѣха сего  
не сотворихъ? коего беззаконiя сего  
не содѣяхъ? всякое чувство души мо-  
ея, и всякій удѣ тѣла моего осквер-  
нихъ, растлихъ и непотребенъ сотво-  
рихъ; но молю Тя, незлобиве Госпо-  
ди, избави мя отъ блудныхъ стра-  
стей плоти моея, зовущаго Ти: Алли-  
луіа.



Ч

**Ч**истоты душевныя не стяжахъ, и душу мою во тму грѣховную предахъ; о лютѣ мнѣ, лютѣ мнѣ! разбойникъ азъ есмь души моея, изранихъ бо ю до конца, и нѣсть мѣста цѣла въ ней; совлекохъ ю одежды боготканныя и облекохъ ю въ ризу страстей плоти моея, въ ризу раздранную и оскверненную. О окаянства моего! Что возглаголю Ти, Отче, щедрый, или что реку Ти въ оправданіе мое, Судіе праведнѣйшій? Обаче же, яко навыхохъ, прошу у Тебе помилованія, горцѣ зовущи: Помилуй мя, пламенногорящая любви; помилуй мя, выну свѣтящая премудросте. Помилуй мя, сокровище благихъ; помилуй мя, жизни подателю. Помилуй мя, вездѣ сый и вся исполняй; помилуй

мя, творяй дивная чудеса. Помилуй  
мя, предвѣдый не сущая яко сущая;  
помилуй мя, не оставляй насъ посре-  
ди грѣха и смерти. Помилуй мя, ожив-  
ляяй мертвыя духомъ; помилуй мя,  
очищаяй оскверненныя совѣстію. По-  
милуй мя, призираяй на воздыханія  
наша къ Тебѣ; помилуй мя, полагаяй  
милость Свою на всѣхъ дѣлѣхъ рукъ  
Своихъ. Помилуй мя, Господи Боже  
мой, и къ покаянію призови мя пад-  
шаго.

### III

**Ш**иротою благодати Твоея, Трі-  
ипостасный Боже, покрый моя  
согрѣшенія, якоже покрылъ  
еси древле согрѣшеніе Богоотца Да-  
вида, и пріими мое покаяніе, якоже  
пріялъ еси покаяніе Манассіи царя, и

призови мя заблуждающагося въ путехъ своихъ, якоже призвалъ еси гонителя Павла, и даждь ми съ любовію выну воспѣвати Тебѣ: Аллилуіа.

Ю



ность моя преиде въ неразуміи и начало живота моего въ лѣности къ добродѣтели, не насадихъ бо тогда въ сердцѣ моемъ сѣмень хлѣба духовнаго, питающаго въ жизнь вѣчную, Боже мой и Господи, сѣмена же тернія и репейника прилѣжно въ себѣ посѣвахъ; нынѣ же, егда прозябоша во мнѣ вся злая сія, пронзають душу мою и ураняють сердце мое, и все естество мое наполняютъ болѣзнію. Умилосердися, о Боже мой, и попали огнемъ Божества

Твоего вся грѣховныя тернія во мнѣ, взывающемъ Ти болѣзненно: Помилуй мя, Отче безначальне, Сыне предвѣчне, и Душе присносущне; помилуй мя, Троице единосущная и нераздѣльная. Помилуй мя, Трѣипостасная державо; помилуй мя, нераздѣльное и неслитное Божество. Помилуй мя, едино царство и господство; помилуй мя, едина воля и хотѣніе. Помилуй мя, Егоже боятся и трясутся Херувими, помилуй мя, предъ Нимже закрываютъ лица своя страшніи Серафими. Помилуй мя, Егоже боится солнце и трепещетъ луна; помилуй мя, предъ Нимже дыматся горы и бѣгутъ вспять рѣки. Помилуй мя, предъ Нимже всяко колѣно небесныхъ, земныхъ и преисподнихъ преклоняется; помилуй мя, Егоже вся тварь на небеси и на земли выну славословить. Помилуй мя,

Господи Боже мой, и къ покаянію  
призови мя падшаго.

Я

**Я**ко Творецъ всемогущій, и Вла-  
дыка незлобивый, не помяни мо-  
ихъ беззаконій, имиже Тебе прогнѣ-  
вахъ, дѣломъ, словомъ и помышлені-  
емъ, вѣдѣніемъ и невѣдѣніемъ, вся  
мнѣ, яко Богъ милостивъ, прости, и  
разрѣши отъ нихъ, и излей на мя,  
яко капли дождевныя, благодать Твою,  
да поне отнынѣ начну благоугождати  
Тебѣ, Создателю моему, выну воспѣ-  
вая: Аллилуіа.



## МОЛИТВА

ко Пресвятѣй Троицѣ:

**Къ** Тебѣ, Владыко многомилостиве, Трїностасный Боже, возвожу очи ума моего и сердца, и припадая Твоей благодати, смиренно исповѣдаю грѣхи моя, яже сотворихъ во вся дни живота моего. Согрѣшихъ бо, Господи, согрѣшихъ азъ недостойный, преступихъ спасительныя заповѣди Твоя, яже даровалъ ми еси, воеже ими восходить къ Тебѣ, якоже нѣкимъ незаблуднымъ путемъ; азъ же окаян-

ный шествуя путемъ симъ, путемъ божественныя Твоея правды и истины, удалихся въ распутія, и устранихся съ истиннаго пути, и тамо самовольнѣ вдахся въ руцѣ мысленныхъ разбойниковъ, страстей моихъ, иже совлекоша мя одежды нетлѣнія, израиша всего мя ранами, уязвиша душу мою язвами, и всего мя оскверниша, и нынѣ, якоже зриши, предстою Ти нагъ, уязвленъ, оскверненъ, и того ради отпадшій любви Твоея. О Господи мой, Господи, что возглаголю Ти, или что реку Ти? Нѣсть ни единого во мнѣ оправданія, ниже достойнаго извиненія. Еда ли не знахъ закона Твоего? еда ли не вѣдѣхъ заповѣдей Твоихъ? вся сія разумѣхъ отъ юности моея; но небреженія моего ради, унынія и нерадѣнія, ничтоже благо предъ Тобою сотворихъ, всегда же содѣвахъ лука-



вое и злое, всегда плоти моей и злымъ вождельніямъ моимъ яко рабъ работахъ прилѣжнѣ; но Тебѣ Создателю моему, николиже ничимже достойно послужихъ. Нынѣ же, дерзая, приступаю къ Тебѣ, щедродательному Отцу, и яко блудный сынъ вопію Ти: согрѣшихъ, Отче, на небо и предъ Тобою, и уже нѣсмь достоинъ наре- щися сынъ Твой. Вѣмъ же, яко прі- ялъ еси блуднаго сына, тако пріиме- ши и мене, онъ бо бѣ образъ мнѣ, и сей блудный сынъ есмь азъ самъ. Кто бо когда удалися отъ Тебе тако далече, якоже удалихся азъ? Или кто сотвори толико беззаконій, якоже со- творихъ азъ? Но молю Тя, Милосерде, не вниди въ судъ съ рабомъ Твоимъ, и не помяни моихъ беззаконій, ниже соблюдеши злыя дѣла моя на день праведнаго Твоего воздаянія, егда има-

ши воздати комуждо по дѣломъ Его, но отнынѣ да покрыетъ мя рука Твоя, да буду Тебѣ единому благоугождати, Тебѣ единому служить, Твоего страха страшитися, Твоя повелѣнія исполняти, Твоя заповѣди соблюдать, и въ законѣ Твоемъ поучатися непрестанно день и ночь. Дажь ми, Всемогущій Владыко, отчуждаться отъ золъ міра сего; даждь ми ненавидѣти вся злая въ мірѣ семъ, отчуждающая мя отъ Тебе, присносущнаго моего живота, дыханія и радованія моего; даждь ми Тебе одинаго любить; даждь ми къ Тебѣ единому, пламенногорящей любви, пламенѣти всегда любовію и возноситься непрестанно къ Тебѣ духомъ. Ты бо еси моя жизнь, радованіе и веселіе; Ты источникъ свѣта, свѣтящаго во мнѣ, нынѣ же, грѣховъ моихъ ради, угасающаго во мнѣ до

конца: О, Свѣте незаходимый, вѣщающій Твоею благодатию сей свѣтъ во мнѣ, да при свѣтѣ Твоемъ узрю путь истинный, имже и достигну вожделѣннаго ми небеснаго отечества, идѣже и буду всегда прославляти Тя, всеблагаго Бога, Творца и Господа, въ Троицѣ славимаго, Отца, и Сына, и Святаго Духа. Аминь.



Православное издательство «Лествица»  
Лицензия ЛП № 066572 от 14 мая 1999 года.  
Отпечатано в типографии Патриаршего издательско-полиграфического центра, г. Сергиев Посад.  
Подписано в печать 25.09.2003 Печать офсетная.  
Формат 60х84/16 Объем 1 п.л. Тираж: 15000 экз. Зак. 617  
Адрес Православного издательства «Лествица»:  
113184, М., ул. Садовая-Триумфальная, д.18-20.  
Качество печати соответствует качеству оригинала.